



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

XVI. Quantum temporis fuerit in eodem loco.

**urn:nbn:de:hbz:466:1-41527**

*Quantum temporis fecerit in eodem loco.*

## CAPVT XVI.

**M**ansimus autem in eodem loco quasi diebus viginti, euangelizantes populo, & baptizantes eos in nomine Domini, docentes seruare vnitatem fidei in vinculo pacis, instruentes de festiuitatibus & obseruationibus Christianæ religionis, de ieiuniis quatuor temporum, de Quadragesimali ieiunio, de Incarnatione, Natiuitate, Circumcisione, Apparitione, Præsentatione, Baptismate, Transfiguratione, Passione, Resurrectione atque Ascensione Domini nostri Iesu Christi, de aduentu Spiritus sancti, de Vigiliis & Natalitiis Apostolorum, & aliorum Sanctorum, de die Dominico, de sexta Feria, de distributione mensium, de institutione totius anni secundum Christianos, exstructoque altari; & sanctuario (Totum enim corpus Basilicæ tam subito fieri non potuit) altare sanctificauit, & interim Missas illic celebrari fecit, dans eis sacerdotem, libros & calicem, paraturam & omnia utensilia, quæ ad officium altaris pertinebant.

Quæ omnia illi cum multo gaudio, alacritate & deuotione suscipientes, & gratias agentes, omnes veteres & profanas superstitiones suas & gentiles obseruantias, penitus abiiciebant, & exuti veterem hominem cum actibus suis in vitæ nouitate ambulare cœperunt & proficere. Erat autem numerus conuersorum ibi ad fidem, quasi septem millia. Videns autem Episcopus, quia mēsis multa, & quia etiam aliis ciuitatibus oportet eum euangelizare regnum Dei, cum inde processurus esset, vocata concione, hoc sermone allocutus est Ecclesiam, nouellam plantationem suam.

*Secidus.  
Quandiu S. O-  
tho manserit  
Piriffa.*

*De quibus neo-  
phytos instruxerit.*

*Ex his apparet  
S. Orthonem, &  
eos, quos Piriffa  
se conuertit,  
nec Luther-  
stas, nec Calu-  
nistas fuisse.*

*Numerus eo-  
rum, qui Piriffa  
se ad Christia-  
nam fidem ac-  
cesserant.*

De